

**Saksframlegg**

Utval	Utvalssak	Møtedato
Kommunestyret	55/15	10.09.2015

Høyringsuttale om endring av eigedomsskatt på produksjonsmedel i verk og bruk**Vedlegg:**

- 1 Høringsnotat - Eiendomsbeskatning av arbeidsmaskiner mv. i verk og bruk – Sammendrag (komplett høringsnotat ligg på kommunen si heimeside)
- 2 Resolusjon frå LVK sitt landsmøte 21.08.15 (Komplett høyringsuttale frå LVK ligg på kommune si heimeside)

Fakta i saka:

I høyringsbrev av 18.06.15 legg Finansdepartementet ut på høyring framlegg til endring av reglene om eigedomsskatt på arbeidsmaskiner mv. i verk og bruk. I høyringsnotatet blir det lagt to alternative forslag. Alternativ 1 inneber at produksjonsutstyr og –installasjonar vert friteke for eigedomsskatt, mens alternativ 2 ikkje bare fritar slikt utstyr, men inneber at "*Verk og Bruk*" forsvinn som eigen kategori, slik at dei vert skattlagt som alminneleg næringsseigdom.

Høyringsfrist er sett til 18.09.15.

Vurdering:

Forslaget inneber at eigedomsskatt av på kraftliner og teleanlegg og vil falle bort. For Nissedal kommune vil forslaget leie til reduserte inntekter på i overkant av 1,3 mill. på bakgrunn av utskriving av eigedomsskatt for 2015. Dette fordeler seg med 1,2 mill. på kraftliner, kt 70.000 på teleanlegg og kr 60.000 på faste produksjonsmedel i bedrift.

I høyringsforslaget vert det i realiteten foreslått å avvike heile ordninga med eigedomsskatt på verk og bruk. Dette må seiast å vere i strid med Regjeringa sine løfter om å styrkje kommunane sine egne inntektsgrunnlag og løftet om at kommunane skal få behalde ein større del av inntektene frå lokale verksemdar. Eigedomsskatt på verk og bruk er ei vesentleg meir robust og treffsikker ordning enn å gje kommunane ein del av selskapsskatten.

Forslaget inneber ei dreining av offentlege inntekter frå kommunesektoren til staten, då statsbedrifter som Statnett, Statkraft og Statoil vil få store skattelettar som fylgje av

forslaget. Dette vil gje rom for auke i utbyte til staten. Statnett aleine vil truleg få ei skattelette på kr 150 mill. årleg, og samla vil staten tene 1 milliard på forslaget. Lokalt vil forslaget leie til at eigedomsskatten for andre (hus/hytter) vil auke eller det må kuttast i tenestetilbodet tilsvarande 2-3 stillingar. Dette vil seie å redusere arbeidsstokken i kommunen med om lag 1,5%.

Nissedal kommune ser forslaget som eit brot på den samfunnskontrakten som er inngått mellom stat og kommune ved avståing av verdifulle naturressursar til anlegg som t.d. kraftleidningar. Eit viktig element i konsesjonsmyndigheitenes grunngjeving i slike saker er rutinemessig at den aktuelle kommune vil få eigedomsskatteinntekter. For t.d. kraftliner er det ikkje andre ordningar som tilgodeser den aktuelle kommune økonomisk. Mange kommunar har gitt sin tilslutning til slike utbyggingar i tillit til at dei eigedomsskatteinntekter staten har førespegla, vil vere varige. Ordninga med eigedomsskatt på verk og bruk har eksistert i meir enn hundre år.

Rådmannen si tilråding:

Nissedal kommune ber Regjeringa forkaste forslaget til endringar i reglane om eigedomsskatt på verk og bruk.

Saksprotokoll i Kommunestyret - 10.09.2015

Votering: samrøystes for rådmannen si tilråding.

Vedtak

Nissedal kommune ber Regjeringa forkaste forslaget til endringar i reglane om eigedomsskatt på verk og bruk.